

## **Wustawki**

### **§ 1 Mjeno, sydło a jednanske lěto**

- (1) Towarstwo mjenuje so Serbske wjesne towarstwo „Domizna“ Chrósćicy, w němskej rěči - Sorbischer Dorfverein „Domizna“ Crostwitz.
- (2) Towarstwo ma swoje sydło w Chrósćicach.
- (3) Jednanske lěto je kalendrowe lěto.

### **§ 2 Zaměr, nadawki a powšitkowna wužitnosć**

- (1) Towarstwo scěhuje bjezwuwzačnje a njeposřednje powšitkownowužitnym zaměram w zmysle wotrězka „Dawki polěkowanske zaměry“ porjada wotedawkow w plaćacej wersiji. Wone wužiwa swoje srědky bjezwuwzačnje w zmysle wustawkow po § 2 tutych wustawkow.
- (2) Zaměr towarstwa je spěchowanje a hajenje wjesneje zhromadnosće, kulturnych tradicijow wsy z hajenjom serbskeje rěče a serbskich nałožkow kaž tež spěchowanje angažementa wobydlerjow za přirodu a domiznu.
- (3) Zaměry tutych wustawkow zwoprawdza so předewšěm přez organizowanje zarjadowanjow, kaž wjesnych swjedzenjow, přednoškow, sportowych wubědźowanjow, wopyta koncertow a dźiwadlowych předstajenjow, pućowanjow, dźěćacych swjedzenjow a hladanskich dźělow při wuhotowanju wjesneho wobrazu.
- (4) Towarstwo je politisce a konfesionalnje neutralne.
- (5) Towarstwo skutkuje njesebichnje, njezastupuje přenjorjadnje swójske hospodarske zajimy.
- (6) Srědky towarstwa smědza so jeničce w zmysle wustawkow wužiwać. Sobustawam so ze srědkow towarstwa njeplaći. Nichtó nima prawo na lěpšiny přez nadměrnje wysoke zarunanja abo přez wudawki, kiž njejsu w zajimje towarstwa.

### **§ 3 Zdobyće sobustawstwa**

- (1) Sobustaw towarstwa móže so stać kóždy połnolětna přirodna wosoba a kóždy juristiska wosoba.
- (2) Próstwa wo přijimanje do towarstwa ma so pisomnje předsydstwu zapodać. Wo próstwje za přijimanje rozsudži předsydstwo. Jeli wone próstwje njepríhłosuje, rozsudži wo njej přichodna porjadna sobustawska zhromadźizna.
- (3) Sobustawstwo započnje so z plaćenjom sobustawskeho přinoška.
- (4) Na namjet předsydstwa móže sobustawska zhromadźizna zaslužbnych spěchowarjow towarstwa jako čestnych sobustawow na čas žiwjenja přiwzać.

### **§ 4 Skónčenje sobustawstwa**

- (1) Sobustawstwo skónči so ze smjerću, z wustupom abo z wuzamknjenjom.
- (2) Wustup ma so pisomnje předsydstwu wozjewić. Wustup wozjewić je jenož móžno za čas dweju měsacow do kónca jednanskeho lěta.

- (3) Sobustaw móže so po wobzamknjenju sobustawskeje zhromadźizny z towarstwa wuzamknýc, jeli
- a) je wón njezamołwiće nahladnosći abo zajimam towarstwa chutnje škodźał abo so přećiwo jemu po wustawkach napoloženym winowatosćam wospjetnje přešoł abo
  - b) je z plaćenjom svojich sobustawskich přinoškow wjace hač tři měsacy w zastatku a njeje tute njehladajo pisomneho napominanja z hroženjom na wuzamknjenje hišće zapłaćil.

Sobustawej ma so móžnosć poskićić, w sobustawskeje zhromadźiznje k přičinam wuzamknjenja stejišćo zabrać. Tute maja so jemu znajmjeńša dwaj tydženjej do toho zdželić.

## **§ 5 Prawa a winowatosće sobustawow**

- (1) Kóždy sobustaw ma prawo w towarstwje aktiwnje sobu skutkować a so na zhromadnych zarjadowanjach wobdželić. Kóždy člon ma w sobustawskeje zhromadźiznje samsne prawo hłosować a wolić.
- (2) Kóždy sobustaw ma winowatosć, zajimy towarstwa spěchować, wosebje prawidłownje swoje sobustawske přinoški plaćić a, kaž daloko jemu po mocach móžno, zarjadowanja towarstwa ze swojim sobudžělom podpěrać.

## **§ 6 Sobustawske přinoški**

Wysokosć sobustawskich přinoškow postaji sobustawska zhromadźizna.

## **§ 7 Organy towarstwa**

Organaj towarstwa stej předsydstwo a sobustawska zhromadźizna.

## **§ 8 Předsydstwo towarstwa**

- (1) Předsydstwo wobsteji z:
- předsydy
  - městopředsydy
  - pokładnika
  - zapisowarja.

Sobustawojo předsydstwa so na štyri lěta wot sobustawskeje zhromadźizny wola. Zasowólba předsydstwa je dowolena.

Jeli njejsu sobustawojo towarstwa z džělom jednotlivych sobustawow předsydstwa wjace přezjedni, móža so tući na sobustawskeje zhromadźiznje wotwolić. Hewak sobustawojo předsydstwa hač do nowowólbow w swojim zastojnstwje wostanu.

- (2) Wo wobzamknjenjach předsydstwa ma so protokol zhotowić, kotryž mataj předsyda a zapisowar podpisać.

Za zastupowanje towarstwa na sudnistwje a zwonka sudnistwa mataj předsyda a městopředsyda prawo na zastupnistwo přez jednotlivca po § 26 BGB.

- (3) Předsydstwo rozsudži w předsydstwowych posedženjach wo wobzamknjenjach z jednorej wjetšinu přítomnych; při runohłosnosći rozsudži hłós předsydy.

## **§ 9 Sobustawska zhromadźizna**

- (1) Znajmjeńša jónu wob lěto ma so přewjesć hłowna sobustawska zhromadźizna. Sobustawska zhromadźizna je wobzamknjenjakmana, hdyž je znajmjeńša třecina wšěch sobustawow towarstwa přitomna. W padže wobzamknjenjanjekmanosće dyrbi předsydstwo w běhu štyrjoch tydženjow dalšu sobustawsku zhromadźiznu ze samsnym dnjowym porjadom zwołać. Tuta je potom njehladajo na ličbu přitomnych sobustawow wobzamknjenjakmana. Na to dyrbi so w přeprošenju skedźbnić.
- (2) Sobustawska zhromadźizna ma předewšěm tute nadawki:
  - jednansku rozprawu předsydstwa wobkrućić
  - předsydstwo wuwjazać
  - sobustawow předsydstwa wolić
  - změny wustawkow abo rozpušćenje towarstwa wobzamknjeć.
- (3) Sobustawska zhromadźizna wobzamknje z jednorej wjetšinu přitomnych hłosakmanych sobustawow. Hłosawzdaća so sobu njeliča. Při runohłósnoći je namjet wotpokazany. Sobustawska zhromadźizna ma so štyrnaće dnjow do toho z wozjewjenjom dnjoweho porjada pisomnje zwołać. Zhromadźiznu nawjeduje předsyda abo jeho zastupjer.
- (4) Wo wobzamknjenjach sobustawskeje zhromadźizny ma so zhotowić protokol, kotryž mataj nawjedowar zhromadźizny a wjednik protokola podpisać. Protokol dyrbi wobsahować městno a čas, mjena wobdźělnikow, wobzamknjenja a wuslědk wothłosowanja.

## **§ 10 Rozpušćenje towarstwa, jeho kónc druhich přičinow dla, wotpadnjenje dawki polěkowanskich zaměrow**

- (1) W padže rozpušćenja towarstwa staj jeho předsyda a městopředsyda zhromadnje k zastupnistwu woprawnjenaj likwidatoraj, jeli sobustawska zhromadźizna žanu druhu wosobu njezwoła.
- (2) Při rozpušćenju towarstwa abo wotpadnjenju dawki polěkowanskich zaměrow přěndže wobsydstwo towarstwa na gmejnu Chrósćicy, kotraž ma tute njeposrědnje a bjezwuwzahnje za powšitkownowužitne zaměry wužiwać.
- (3) Předchadźace postajenja su wotpowědnje plaćiwje, jeli so towarstwo z drugeje přičiny rozpušći abo swoju prawokmanosć zhubi.

## **§ 11 Sudne městno / městno spjelnjenja**

Sudne městno a městno spjelnjenja je zasadnje sydło towarstwa.

## **§ 12 Nabyće plaćiwosće wustawkow**

Wustawki su so na sobustawskej zhromadźiznje 21. januara 2003 wobzamknyli a na samsnym dnju plaćiwosć nabyli.

18.02.2012 a 25.01.2013 su so jednotliwe změny wustawkow na hłownymaj sobustawskimaj zhromadźiznomaj wobzamknyli.